

Vorrede.

vnd das newe künst erfunden/ deren kein wissens  
die alten gehabt haben zuvermütlichen/ etliche  
künst aber seind bey den alten hochgehaltē gewes  
sen/ die auch heutigs tags nicht gering geschetzt  
seindt/ sonder künstlich vñ sinnreich/ als die artes  
liberales vnd disciplina mathematica, auch ettliche  
handtwerck/ die nit abgehn/ sondern gar breuch  
lich vnd nützlich.

Dann zu zeiten Aristotelis vnd Platonis/ hat  
man vberflus gehabt gelehrter vnd künstlicher  
leut/ so auch zu vnserer zeit vō Anno 1500 bis auff  
dē heutige tag/ ist in Italia/ Franckreich/ Teutsch  
land kein mangel gewesen an gelehrten leuten/ vñ  
künstleren/ in allem dem so künstlich genēet mag  
werden.

Zu zeiten des Keyser Augusti/ vnd kurtz  
zuuor vnd hernaher/ waren vil vnd maucherley  
künstler in wasserbewen/ in kriegsrüstungen/ im  
vhrenwercken/ vnd mit allerhandt gewicht/ rā  
deren/ vnd dergleichen wunderbare wercken zu  
machen/ also das sie vil bücher daruon geschribē  
haben/ wie Archimedes/ Ctesibius/ Heron vnd  
andere. Zu diser vnserer zeiten haben wir solcher  
künstler vil in allen orten/ Teutsch vnd Welsch  
landt.

Derhalben darauß endtlich zu schliessen ist/ d̄z  
kein vndercheid ist welche gelehrter oder künstli  
cher gewesen seyen/ die altē oder aber die so zu vn  
ser